

KOMMUNEQARFIK SERMERSOOQ

Sanarfinermut Avatangiisinullu Ingerlatsivik / Anlægs- & Miljøforvaltningen
Pinngortitamat piujuartitsinermullu immikkoortoaq/ Afd. for Natur & Bæredygtighed

Ulloq / Dato : 17. juni 2011
Brev nr. : 696
Journal nr. :
Sull. / Sagsbeh. : kawh
Dir. tlf.: 347456
Mail: kawh@sermersooq.gl

Aatsitassanut Ikummatissanullu Pisortaqarfik

Baffin Bugtimi Kalaallit Nunaata Avannaata kitaaniittumi 3D-inik sajupillatsitsisarnernit katersinissamut tunngatillugu avatangiisinut sunniutaasussanik nalilersuinerup (VVM) tamanut ammasumik tusarniaassutigineqarnera

Kommuneqarfik Sermersuup Kalaallit Nunaata avannaata kitaani Baffin Bugtimi 3D-inik sajupillatsitsisarnissanut tunngatillugu tusarniaanermut najoqqutassat 2011-imi juunip 20-anut tusarniaanermut killiliunneqarsimasoq tiguai.
Sajupillatsitsisarلuni misissuinissaq juunip naaneraniit aggustimut, sikoqarnera apeqputaatillugu ullut 33-it missaannik sivissuseqartussatut pilersaarusioneqarsimavoq.

Kommuneqarfik Sermersooq makkuninnga oqaaseqaatissaqarpoq.
Tusarniaanermut piffissaliussamut killiliunneqartup sivikitsuaraanera pissutigalugu politikikkut kingornatigut suliarinninnissap sillimaffigineqarnissaa apeqputaatinneqarpoq. Piffissamut killiliussap sivitsitsuaraanerata innuttaasunik piviusumik peqataatitsinissaq annertuumik killeqartittussaavaa.

Iisimatusarnermi paasisat nutaat DMU-mit ulloq 16. juni paasissutissiilluni ataatsimiititsinermi saqqummiunneqartut takutippaat, arferit angallammit sajupillatsitsisartumit kilometerinik arlalinnik ungasissusilimmu qimarratsinneqarlutik uivertumik pissusilersulersinnaasut, taamaalillutillu arferit ingerlaarnerannut sunniuteqarsinnaallutik.

Sajupillatsitsisarلuni misissuineq sumiiffimmi arfernut assigiinngitsunut arlalinnut pingaaruteqartumi aammalu Qimusseriarsuarmi Pinngortitap eqqissimatitaasup qanittuaniittumi ingerlanneqartussaavoq. Pinngortitaleriffik paasissutissiivoq sumiiffimmi qinnuteqaatigineqartumi qilalukkat qernertat, qilalukkat qaqortat aamma arfiviit ingerlaarnerat piffissami qinnuteqaatigineqartumi pisartoq. Pinngortitaleriffiup siunnersuutigaa, arferit ingerlaarnerisa akornusersorneqarnissaat annikillisarلarlugu aammalu qilalukkanik qernertanik aamma qilalukkanik qaqortanik piniarnermut sunniutaasut annikillisarلarlugit, sajupillatsitsisarلuni misissuineq aggustip naaneraniit septembarimut ingerlanneqassasoq. Tamatuma saniatigut piffissaq killilerneqassasoq inassutigineqarpoq. Kommuneqarfik Sermersuup Pinngortitaleriffiup inassuteqaataa siunnersuutaalu tamakkiisumik taperserpai.

Tusarniaanermut najoqqutassani allassimavoq tikaagullinnik piniartoqartartoq, kisiannili qilalukkanik qernertanik, qilalukkanik qaqortanik aamma arfvinnik piniarneq killilersugaasumik ingerlanneqartoq allassimanani. Kommuneqarfik Sermersuup najukkami innuttaasut sumiiffimmi piniariarnissamut periarfissaat misissuinnermit qanoq sunnerneqassanersut isummertoqarsimannginnera maqaasivaa.

Kommuneqarfik Sermersuup angallammi sajuppillatsitsisartussami alapernaarsuisussat marluk imaani uumasunik miluumasunik ilisimasaqartut (MMO) ilaasussaanut iluarisimaarpaa. Taamaattorli imaani uumasunut miluumasunut qanoq ungasissuseqalerneranni sajuppillatsitsisarluni misissuinerit unitsinneqartarnissaat pillugu nassuiaatit kiisalu periaatsinut nalinginnaasunut aalajangersakkat nassuiaatillu maqaasineqarput.

Inussiarnersumik inuulluaqqusillunga

Kaare Winther Hansen
Avatangiisinut immikkut ilisimasalik